



Progresu Fisiku Uma OPS iha Suku Uma Caduak, Postu Lacro, Munisipiu Manatuto.

Progresu Fisiku Projektu Uma Oficial Polisia Suku (OPS) to'o iha Fulan Desembru 2017

Konstrusaun projetu pilotu uma Oficial Polisia Suku ne'ebé hetan apoiu orsamentu husi governo Nova Zelandia hatudu progresu ne'ebé diak. Tuir observasaun tékniku sira katak progresu implementasaun projetu uma OPS 14 ne'ebé hahú implementa iha tinan kotuk iha 12 Munisipiu inklui RAEOA oras nee dadaun tama ona iha etapa serbisu sinta geral (ringbalk).

Tuir dadus ne'ebé iha, progresu fisiku husi parte Leste to'o iha fulan Desembru atinji ona entre pursentu sanulu resin ida virgula hat nulu resin nen to'o iha pursentu tolu nulu resin hat virgula sanulu resin tolu (11,46% to'o 34,13%), enkuantu parte rai klaran no parte sul atinji ona pursentu entre rua nulu resin walu virgula hat nulu resin walu to'o pursentu hat nulu virgula walu nulu resin rua, 28,48% to'o 40,82%) Nune'e mos progresu fisiku iha parte Oeste ne'ebé kobre Munisipiu Ermera Liquica no Bobonaro to'o iha fulan Desembru atinji ona pursentu rua nulu virgula sia nulu resin walu to'o iha pursentu hat nulu resin ida virgula nen nulu resin ida. (20,98% to'o 41,61%)

Progresu fisiku nivel nasional uma OPS to'o iha Desembru 2017 atinji ona 28,97. No bele hare Munisipiu ida-idak nia progresu iha tabela aneksu.

No	Munisipiu	Fatin Projektu	Pursentu
1	Baucau	Suku Tequinomata	11,46%
2	Baucau	Suku Afaca	17,40%
3	Viqueque	Suku Macadique	13,31%
4	Lautem	Suku Bauro	34,13%
5	Ermera	Suku Estado	22,13%
6	Manatuto	Suku Uma Caduak	28,48%
7	Dili	Suku Duyung	35,42%
8	Aileu	Suku Selo Craik	36,57%
9	Manufahi	Suku Betano	35,42%
10	Ainaro	Suku Leolima	38,48%
11	Covalima	Suku Ogues	40,82%
12	Bobonaro	Suku Batugade	20,98%
13	RAEOA	Suku Bobometo	29,41%
14	Liquica	Suku Leotala	41,61%
Pursentu Nivel Nasional, Fulan Desembru 2017			28,97%

PNDS

Hamutuk Ita
Dezenvolve Nasaun

Janeiru 2018

Progresu

Pilotu: Remata ona

Faze 1 Siklu 1 : Remata ona

Faze 2 Siklu 1 : Remata ona

Faze 3 Siklu 1 : Remata Ona

Faze 1 Siklu 2 : Iha Etapa 11-12 (Kompleta Kontrusaun, Sertifika, no enkontru akontabilidade Final, Auditoria no Avaliasaun)

Faze 2 Siklu 2 : Iha Etapa 11-12 (Kompleta Kontrusaun, Sertifika, no enkontru akontabilidade Final, Auditoria no Avaliasaun)

Faze 3 Siklu 2 : Iha Etapa 6 (Prepara no Verifika Proposta ba projetu)



Progresu Uma OPS iha Suku Leolima, Postu Hatu'udu, Munisipiu Ainaro




Progresu Uma OPS iha Suku Ogues, Postu Maukatar, Munisipiu Covalima




Prioridades sira lha implementasaun PNDS 2017

Faze I Siklu 2



Faze II Siklu 2



Ministerio Administrasaun Estatal Sozializa Programa VII Governo Konstitusional iha Postu



S o s i a l i z a s a u n programa VII Governo konstitusional ne'ebé hala'o husi Ministeriu Administrasaun Estatal lidera husi Ministru Administrasaun Estatal, Valentim Ximenes. Iha Munisipiu Covalima, Postu Administrativo Fatumean sosializasaun

hala'o iha Salaun Administrasaun Postu Administrativo Fatumea, 22 de Janeiro 2018. Iha sosializasaun Ministru Administrasaun Estatal, Valentim Ximenes hateten programa ne'ebé estado no Governo Timor Leste persija tau atensaun iha futuru mak programa Inportante hat mak hanesan Desenvolvimento Seitor Sosial, oinsá mak bele hare kona-ba Idozus, Bolsa de mae, Veteranos,educasaun, saude, no igualdade.

Valentim Ximenes hateten programa segundu mak hanesan programa boot ba estado, maka programa Desenvolvimento iha seitor ekonómiku oinsá bele investe iha seitor lubuk ida ne'ebé bele hamosu reseitas iha futuru, tanba oras nee dadaun Timor Leste dependenti hela ba riku soin mina rai, ba futuru mina sei maran nune'e ita persija halo diversifikasaun ekonomia hodi investe iha seitor turismu, agrikultura no transportes publikus atu nune'e bele hamosu reseitas ne'ebé dura iha futuru.



Sekretariado Tekniku PNDS Realiza formasaun Tékniku Especializada, Master klase Dala Ikus ba Fasilitador Tekniku Postu Administrativos

Sekretariado Tekniku PNDS realiza treinamentu espesializada tékniku iha area sistema bomba bee mos, treinamentu nee nudar treinamentu hodi kompleta treinamentu master klase ba tékniku PNDS, liu-liu ba fasilitador tekniku atu nune'e fasilitador tékniku sira bele aprende diak liután oinsá instala kanalizasaun bee mos ba tangki rezervatoriu ne'ebé eficiente. Treinamentu nee rasik hala'o iha Centru Nasional Empregu e Formasaun Profesional (CNEFP) Tibar.

Liu husi treinamentu nee fasilitador sira bele hatene prosesu atu instala no hadia problema ruma ne'ebé hasoru iha instalasaun inklui aprende instala sistema elektrisidade ne'ebé simples, seguru no eficiente. Treinamentu nee mos bele aumenta koinesimentu atu identifika material ne'ebé kualidade no oinsá halo plano bazea ba dezenhu ne'ebé iha. Chefe Departamentu Monitorizasaun no Avaliasaun PNDS, Olderico Lopes iha sesaun ensara treinamentu nee iha Tibar husu ba partisipante sira atu implementa matenek ne'ebé sira hetan hodi hadi'ak liután kualidade obra ba implementasaun programa PNDS liu-liu sistema bomba bee mos. Entertanto Diretor Centru Nasional Empregu e Formasaun Profesional (CNEFP) Tibar, Simão Barreto hateten Centru nafatin nakloke hodi kolabora ho programa PNDS inklui programa hotu ne'ebé iha hodi kapasita diak liután Timor oan hotu atu iha kapasidade hodi kompete iha Mercado trabalho iha Timor Leste.

Atu hetan informasaun :
www.pnds.gov.tl
info@pnds.gov.tl

Atu fo imi nia hanoin:
keixa@pnds.gov.tl